

四庫全書

史部

欽定四庫全書

史部
欽定盛京通志卷一百二十三
四

侍郎_臣劉躍雲覆勘

總校官編修_臣朱 鈴

欽定四庫全書

欽定盛京通志卷一百二十三

國朝藝文九

詩四

七言律一

欽定四庫全書

欽定盛京通志卷一百二十三

國朝藝文

九

詩

四

七言律

一

奉

命祭告北鎮恭紀

康熙癸未

陳廷敬

使星十道出王城獨奉函書到

上京大漠北來沙磧盡神山東望海雲生鶯花舊日

朝

陵路楊柳春先出塞情曾是

翠華遊歷處臨軒故遣侍臣行

遼河

康熙壬戌

孫在豐

句驪一派此朝宗源繞塗山百谷中地向岐豐城

帶礪水分瀝澗作西東金龍浪拍連滄海鉄鳳雲

高舞大風自有神鯤歸

帝網渭川應足載非熊

恭和

御製過呂翁山詩

康熙戊寅

高士奇

風霆迅掃

六師移高壘星羅指顧宜此地孤軍銜白壁當年合隊
捲朱旗層沙直眺三關迥列石迴看八陣奇正喜
晉天消戰伐

文孫親歷頌開基

恭和

御製駐蹕大凌河

康熙戊寅

高士奇

雲梢羽蓋夜停

鑾古渡春冰望裏看歲月已休新戰鼓山川猶記舊征
鞍天高漏轉千屯肅野曠星連萬幕雲

霄藻橫汾真不羨微臣珥筆和應難

乾隆八年

聖駕東巡

盛京恭謁

祖陵大禮慶成詩 謹序

乾隆癸亥

陳世倌

恭惟我

皇上御極之八年庶績咸熙三辰時撫當累洽重熙之

會溯經營締造之初

念禮隆報本合萬國以抒忱孝首尊

親虔一心以昭格況幽岐開基業之始典倍切于追崇而
園陵藏弓劍之區禮尤嚴乎禋祀于是以虞舜之大孝符

周武之配京序值清秋時惟七月虔諏吉日恭謁

祖陵奉侍

慈幃夙駕

鸞輅于是百靈擁衛庶官景從縣寓騰聲四野歌呼齊
起川原生色萬郊禾黍俱豐出古北之雄關詣潘
遼之重地千重嶺岫遥瞻

王氣之綢繆萬樹松楸羣仰

神區之蔥鬱

闕宮祇被典禮燦陳

帳殿齋居質明將事

孝惟一本孚愛慈于優聞愼見之餘誠徹九原通神明
于陟降上下之際

皇上肅然止敬穆乎無言緬

祖宗創造惟艱地闢天開允垂卞世卞年之久念子孫繼
承不易膺符受籙敢忘克勤克儉之模禮徐遍于

三陵忱每將夫一敬告成大祀乃燕明廷助祭百工均頌

酒脯輸誠六服咸與凡筵大官之水陸畢陳飲御
之公卿既醉爾乃

袞垂藻火面南離以

當陽廷肅鸛鸞共北辰之居所黑齒趨蹌于王會雕題
拜舞于

天朝德教遐宣武揚斯舉火茶日月黃麾動而七校齊
開龍虎鳥蛇畫角鳴而八陣咸合左射右射並宣
天子之威大綏小綏仍戴

聖人之德而且

推恩無外錫類多方自王公以逮軍民霑膏雨
由京邑以連荒徼普煦陽和既時邇而伸設薦之
誠乃

迴鑒而理垂裳之治此皆

皇上德孚蒼昊孝通神明乃與

園丘祀

天

方澤祀

地之禮並隆千古也臣忝掌絲綸徒塵政府謬司教習無

裨吉人弗獲隨從

乘輿式觀典禮時逾三月未聆訓行于

天言身領百遼莫效肅雍于相祀敬成七律聊抒戀
主之愚忱恭賦十章用志饗

親之達孝云爾

熙朝區夏肇東瀛

天作高山啟

大清

三后神靈時陟降

一人統御際承平

祖宗文武垂先烈

原廟衣冠想舊京
報本不忘親享祀
旋看奏假齊思成

鵷班拜手送

鵷輿

帝侍

慈闈問省餘神列勾陳隨輦後時當零露屆秋初問閭共
慶寧居樂稼穡羣占大有書更喜太平真氣象出
闕民物似華胥

王氣蒼茫屬藩遼

陪都東去路迢遙
渾河曲折環遙極
鉄嶺崢嶸接斗杓
龍虎萬年長拱抱
精靈五夜每趨朝

橋山弓劍歸藏地時有紅雲上九霄

祠官典禮疊相承

列聖居歆儼式憑僊見愜聞通一氣水源本本溯

三陵策盛潔處齋心達骨腴焚餘香霽升

聖祖昔年殷薦後又看繩

武肅膏烝

履武姜嫄推

聖母篤生

始祖事神奇燕天

高帝初先宅纘緒

文皇實肇基

王業艱難垂世德

皇心乾惕協靈祇

闕宮監薦抒誠格有道

曾孫對越時

燕喜一堂羣受祇

天厨稠疊

湛恩宣漢高沛邑歌風日建武南陽置酒年長白嵐光
遙對席松花江色霽浮遙

君臣宛似家人會既醉歡欣

黼座前

殿名崇政肅朝紳稽拜信桓及遠人鶚立鸛翔齊舞
蹈黃支烏戈並尊親八荒在闡聯中外六合為家
篤

主臣應遣畫師圖立本圖成王會獻

丹宸

雍容典禮敷文德震燿川原耀武功
陣合歡鵲緣
大閱軍分茶火為臨戎網留一面湯
仁在禽失三
驅易象同却笑揚雄誇羽獵何如吉甫詠車攻
恩詔頒來速置郵

德音汪濊徧神州聽將匝地歡呼動
知是經天惠澤流
錫類定能孚血氣宣威不獨鼓貔貅

聖朝至治歸仁孝庸行從來即大猷

告成大禮返

皇畿路過潯河望

六飛發

駕金風方颯爽迴

鑒玉雪正霽霏舞成七德揚翬羽庭列千官拜袞衣赤

鳳白麟休獻瑞太平端拱自巍巍

聖駕東巡

盛京恭謁

祖陵大禮慶成詩

謹序

公英

于振

我

皇上御極之八年泰階既平百揆時叙禮樂明備朝野

熙恬于是迷

祖德頌

宗功有事于

三陵禮也巨切惟謁

陵展孝為典最鉅載籍雖遠然漢唐以來可得而稽也漢

嘗以正月上陵百官四姓公主諸大夫外國朝者
侍子郡國計吏咸會至期晝漏初上大鴻臚設九
賓于寢殿鐘鳴謁者引客就位如儀乘輿自東廂
下升階展拜大官尚食太常奏文始五行之舞郡
國上計吏以次前當神軒告其郡殺賈人所疾苦
欲神知其動靜焉唐禮朝陵之先日設麾伏周衛
陵寢至日質明七位子孫及諸侯百寮蕃服君長
皆陪于司馬門內上至小次降輿入門再拜躬親

執饌開視先帝后服御之物引諸功臣並入執爵
進俎奠訖乃復蓋孝子之事親曲盡愛敬之心有
如此者漢唐諸侯古去已遠然未嘗不緣情制禮
以為法于後世故垂諸史冊以昭令式良有以也
臣伏見我

皇上御寓以來盡孝盡誠善繼善述體

祖

宗之心以為心法

祖

宗之政以為政優乎如見愾乎如聞益未嘗一日釋也洪

惟我

朝發祥長白奄有中外肇萬世無疆之休實由我

列祖

列宗積德累仁承

天景命豐功駿業昭垂奕禩肆我

聖祖六十一年之中三謁

園陵恪修祀事孝之至仁之極也

皇上敬繩

祖武誨吉日飛六龍

慈寧脩法駕百官咸會六師景從遂屆

興京舉行

盛典于時天澄其氣日朗其精松楸蔚然

闕宮肅穆

皇上萃精神嚴對越孝敬之至通于

神明洞洞然屬屬然視于無形聽于無聲念經營締造之
維難思夙夜敬承之不易遠且既飭肝鬲如聞皇哉
唐哉亦孝之至仁之極也昔周之王也定鼎郊廓
卜世卜年承承繼繼然姬公陳王業之艱難述農
夫紅女衣食之事以推本風化之所由興必以始
基靖民歸之后稷十五王而文始平之十八王而
康克安之蓋創業垂統若斯之難也故曰周家世
篤忠厚以成其福祿而啟佑後人我

祖

宗亦世啓鴻圖以昭茲來許而垂諸萬祀

皇上席重熙累洽之盛不忘小心昭事之誠以視斯文
之頌后稷于邠之咏公劉惟此王季猶其德音至
于文王惟新厥德光懿顯燦何以加焉彼漢之衣
冠出遊唐之荐衣獻服共瑣瑣耳曾何足以媲此
鴻庥先斯

盛烈也哉臣忝列詞垣濫竽律館雖未獲躬隨

清駕預于駿奔之末而朝夕論思日月獻納抒下情以

通諷諭宣

上德而盡忠孝雖學殖荒落然雍容揄揚亦其職也矧
夫

威德所孚樞馬猶知仰秣

太和感召游魚尚解揚鬣臣即庸愚敢忘舞蹈因不揣
蕪陋拜手稽首而獻詩曰

萬乘東巡展孝思鳴鳶前載漾微思
濕雲頓掃開方殿

晴日平臨滿畫旗
漢代歌風追鎬洛
周家卜世著
邠岐起居晨夕趨

行殿仍似

深宮定省時

高山天作發祥初
長白縈迴結陬區
鴨濬仙原瞻
王氣鵲銜靈果啓
鴻圖皇旄夙設周
廬伏赤伏還陳受
命符載撫杯棬欣

主德

宸襟彌自歛盤盂

萬峰崖峩靄松楸鬱鬱蔥蔥佳氣浮

寶祚無彊知地脈

曾孫有道荷

天庥衣冠拜處朝儀肅

綸綍宣時惠澤流春露秋霜方怵惕歡聲早已動

皇州

雉堞崢嶸香靄間

屠謨握勝控雄關南臨渤海兼遼海東接松山與杏山應
運功成遺壘在太平日久戍樓閒即今鷄犬桑麻
地饗蜡吹豳自往還

悠悠旌旆靜無華來享來王總一家到處如安記
里鼓遣歸不假指南車鵝黃褶麗隨仙仗狐白裘
溫扈

翠華欲倩龍眠高畫手摹成王會示荒遐

朔風凌競馬驂驪鶴鶴魚龍士所諳伏軾能穿何

論七前驅不戒總聞三千屯月上霜威冽萬幕雲
深雪意酣日暮放置鉦鼓卧又聞

帳殿啟經函

萬幾清暇富文章頃刻龍鸞天際翔

賦就盛京思劍鳥

舞成世德念羹牆宮懸肄業

皇猷壯瓊笈鐫摹

御墨香蠡管詎能窺

聖學願偕儀鳳祀鏗鋳

冬序初回是小春一陽來復屆芳辰

鑾輿過處衢歌溢

鳳輦歸時巷舞頻共識

聖朝隆典禮咸知純孝格天人小臣愧乏巷阿頌鼓腹

聊同擊壤民

聖駕東巡

盛京恭謁

祖陵大禮慶成詩 癸亥

王會汾

東巡秋燦九重霞黃道天開引

翠華父老望深豐沛地理儀光盛

帝王家龍旂紫塞懸弓月虎旅清霜拂劍花見說歡顏

動

文母我

皇親侍彩鸞車

晴色千林宿雨收望中禾黍綠盈時香迎豹尾騰

雲合影轉霓旌穗露浮已報豐年書太史便行秋
稼指神州從臣共識

皇情豫駐輦時時賦滿篝

漢雲如海散朝煙皎皎青霄赤日懸遙望氣雄元
苑郡更欣春照紫濛天呼嵩動地名王拜震電驚霆
大號宣萬里星躔拱

宸極

盛朝威德被無邊

祖宗文武奠鴻功靈命長祥

帝所鍾萬歲山光穀林樹千年雲氣鼎湖龍堆明金粟瞻
冠劍路駐仙旂繞柏松此日精虔奉嘉薦樂歌清
廟叶黃鍾

寢殿崔嵬秘九闕遺弓瞻有動

龍顏青邱丹水經營久禹甸克封氣象還星宿久澄霄
漢上熊羆常守翠微間孝思孚感無窮意相照金

碑玉鮮斑

南陽白水睹

真人舊里今朝景物新
天漢流精延析木醫閭修職貢
玕珣大風表海明樓殿絕島浮洲帶鳳鱗
一自

重瞳臨眺後山川全覺路精神

六龍時邁煥宗周鉅典環文次第修
為想丹青開駿烈
已知川嶽遍懷柔
露蕭車馬東都會

香案烟雲

北闕浮

天上詔書銜鳳背飛來春色滿神州

太平

天子上

陵迴晴日千門萬戶開星緯珠囊增潤處鳳儀璫管應風

來金甌永固占神策玉燭平調仰

睿才共慶孝思純

世德蒼生流福詠康哉

聖駕東巡

盛京恭謁

祖陵大禮慶成詩

癸亥

夏廷芝

熙朝孝治久昭融緒纘

前徽

帝德隆垂創艱難追駿烈聲靈赫濯溯鴻功

橋山松洞千春輦

原廟馨香一氣通

翠輦親臨崇報本淵源默契總相同

清時典禮重明禋

駕擁龍旂正及辰沙磧千山森壁壘羽林萬騎肅鈞陳
已看琛賁來重譯並使懷柔及百神絕徼歡闐宣
德化黃旂朱節紀

東巡

插天長白聳丹霄鴨綠滌洄江水遙州接青營雄
地抽野分箕尾煥星杓素題樸角風猶古白馬彤
車績尚昭

烈祖

神宗貽蔭遠千年儉德溯陶堯

寶城葱鬱護雲烟肝蠶初升對越虔

玉匣哀龍垂奕代

寢園弓劍感當年

宸衷肅穆抒三獻典禮精誠奉百邊至德中孚能合漠

仁恩從此洽垓埏

祝嘏頻聞告孝慈中和雅奏啓純禧百年禮樂涵濡日

九廟神靈悅豫時往事何須追
溯杜永年直欲邁周姬
推恩更自酬房魏寄酹長深佐
命思

黃花丹葉正清秋仰奉

慈顏頌作求

視膳終朝陪鳳輦承

歡曉日近龍樓

九天作賦先霄漢萬國呼嵩拜

冕旒大孝由來天下養億年色笑進觥觥

景物

陪京衍慶長五雲開處坐明堂風清

帝里黃圖會秋滿

真人白水鄉寵渥需雲頌虎旅

恩深湛露遍鵷行先時況有蠲租詔部屋茅簷共樂康

蕃釐已降禮初成旆轉千貔野不驚十月陽春四海寓

九重孝享洽幽明黃榆紫塞敷天澤東鰈西鷁遍頌聲

光烈覲揚昭萬古小臣珥筆矢歌賡

恭和

御製葉赫舊墟元韻

梁詩正

初征自葛誓同甘聲討渝盟敢二三威震不須雲列騎師

貞合比鐵為函

當年王氣占龍見此日遺墟賸草弇緬想艱難紆

睿覽寒烟一抹塞峯南

恭誦

御製望葉赫舊墟敬惟

太祖高皇帝以十三戎甲奮跡于此復讐服衆遂成王業
謹賦其事以示來許臣雖未能諳悉其風土然始基
創業之美緬焉可想敬依元韻輒成二章奉述
聖主永懷先烈之意

張鵬翀

龍師矯矯戰于甘一鼓何曾待再三敵幟乍驚天
漢拔讐頭早快月支函當時

祖烈同擒鳳此日

宸遊異勒奔轉笑公孫無勝筭擬將如礪保燕南

撫原茶苦薺同甘列障今齊郡百三漠北藩封長
控引關東

王氣早包函從征猛士歌思沛載筆詞臣學愧余瞻望
陵原佳氣遶始基風化被周南

恭和

御製七月五日

東巡啟蹕元韻

甲戌

劉綸

灤陽侯

駕及新秋

王氣東來滿畫旂按部蕃封宜置頓
聯鑣衛士許番休
杯流曲沼甘霖足
鍾照懸封霽景留
不待緣邊訂

圖誌

時奉
修輯

熱河

勅

出關勝覽一時收

暑退三更值閏餘
田瞻巖館憶清舒

興京載詣郵仍便

慈輦頻扶轡每紆
令典昔曾傳錫宴
淳風今更溯幽居
可知童叟謳歆切
歲紀將周望歧予

恭和

御製駐蹕吉林將軍署復得詩三首元韻

甲戌

劉綸

巒腰雨過抹煙輕江面風來皺縠生

蹕路牙旗初辨曉

和門畫鼓已知晴爨筒比戶覩遺俗梯板通衢效衆情

開代發祥多勝蹟山川擁衛盡輸誠

宋瓦金源遡舊流

龍興締造鞏

皇州鳴鑪聲渡紅橋外列戟先分碧嶂頭箕畢星文垂
大野闕河顯氣發深秋橫汾那足傳彞範攬勝空
教倚杞樓

鈴轅聽放

紫宸衙

茂典先聞道路誇問省

萱闈時正永瞻依

松棟制寧奢

陞陳七德觀

型遠

筵連頭行報禮嘉

肇域信符仁壽百行根有草挺三桮

恭和

御製松花江元韻

甲戌

劉綸

泉或占蒙澤象咸天河一瀉泉光泉綠分鴨水真

源濬黑潮龍江別派添初日浴時長照燭靈槎貫
處鎮安恬

宸游吉旦升香早數典何殊秩祀嚴

恭和

御製詠人參元韻

甲戌

劉綸

瑶光屬地想芒寒秀孳金莖幾顯丹封識神山靈
乙護採知仙藥商雲溥無功上黨寧雙美餘氣朝
鮮祇一端本草空矜方法備

天家德產疏應難

恭和

御製望祭

長白山作元韻

甲戌

劉綸

王氣長鍾協大亨禮先羣望仰精誠蕭燔仙露開

金殿勺薦神漿挹紫英千嶂高番俄朶碧三江遠滙

闔門清顯祈肸蠁昭靈貺坤絡乾維護兩京

恭和

御製行圍卽事元韻

甲戌

劉綸

巨澥雄風表弁韓天開

文囿畫圖看宵鋪錦騎雲雙匝曉擁

黃旗日一竿霹靂弓鳴霜氣勁蹕蹕獸竄葉聲乾停
鑣每匝中樞牘郵匭爭教滯授餐

圍邊勝蹟重徘徊

烈祖頻經肄武來上將征遼歌鹿曠材官驅野賦盧鈎三

畋此地川原壯

九伐當年壁壘開，侍從何緣陳羽獵。

聖文披牒擅閤裁

天山一桁遠，排青蹴部聲。環儼陣行，日獲黃熊無。
置館時羅白雉，亦充庭兩都。士挾風雲氣，陸海材
呈草木靈。信士獻獬豸，幽俗古豫遊。長共樂清寧。

恭和

御製吉林土風雜詠十二首元韻

甲戌

劉綸

威呼

葦航不信詠葩經獨木真逾三板輕橫比龍梭池

乍躍挾疑馬阜陸堪行

剡木為小舟剡木兩頭為槳左右按抑而行

廠

邊老樹空腔影江上平波滑笏聲來往松花綠痕剪

膠杯小寓陋莊生

呼蘭

家家帶得雲霞氣栲栳當簷竅厚均

截木中空引炕烟出之上

覆荆筐以禦雨雪

瑾戶易熏先作計烟樓難跨滂防人尾

焦莫訝孤桐剩眼密還編六枳頻陞上迎神司命

醉木居士合記分身

法喇

崢嶸霜雪利經過製備舟車互用多矣輟無由聽

輾輾推蓬有分見峩峩一夫在啄身先挽數客鷄

棲足免蹉

行冰雪中無車
無論俗呼扒犁

淨業湖頭尋好景冰牀

喚渡較如何

斐蘭

不須昔餘更膠絲問史懸門小試之臂殼短檠聊

復爾腰橫大羽亦何為

以榆柳為小弓童而習之別判荆蒿綴雉羽曰鉏助

四方有志徵初服百戲俱陳誠誤兒嚮集分明材

易給學箕不侍教先施

賽斐

匠心一已始誰為不創而廉適所宜

木七長四寸許曲柄豈末兼匙

杓之搏飯故應嫌手澤還羹煎恐累觀頤四配注

液霞翻杓九稗抄香雪消匙丰擬陶瓠微拘頸古

風常見席前時

額林

底誇鄴架與荀厨藏弃楣間事事俱中雷何曾妨

漆井承塵焉用飾雕觚

楣間橫板猶古度間

儘教作供詆龕

象未遣投栖詫屋烏對此詞臣增健羨書倉儲處

省他圖

施函

合抱枵然詎不才剗中餘地見恢恢漢陰濯甕深

勞給蜀國郭笏淺貯醅

裁大木為笏貯水醅酒皆用之

漏義恒河

參補脫危言宿海憶槎迴若虛自是天全盾喬
木郊岐識厚培

拉哈

易著連茹詩詠緇誰云巧技賤還勞一絲不掛謀
誠淺百堵皆興構起牢升木附塗良自便需泥敗

絮豈相遭

紹麻草堵間
緣以施墁也

南人朱解綢繆意指點青

蓑晾壁高

霞綳

箕中揚簸奎邊塗司燿何煩束縕需

以糠和膏傅
蓬梗為燭者

膩恥魚膏驚懶婦枯憐木枿引光奴
廡春棄覈添新碧壁陣留煨認舊烏
經畧轉教新代蠟可知奢儉意懸殊

豁山

側理寧論錦水箋楮皮榮骨總稱便

搗苧絮為紙
堅韌如韋

千椎出白金花細百弓披簾玉版堅
端合編葦尊古東那容覆瓿付時賢
燮原舊俗多圖誌真蹟全

憑粉本傳

羅丹

投壺超距擅殊稱角米還從腕脫興雉呌盧呼材

已下麋驚鹿駭技常勝

俗以麋鹿蹄腕骨隨手攤擲視偃仰橫側為勝負

四奇衍陣宜推石

其用薄圓石擊之則曰帕格

雙隊爭衡好蹴

冰應笑井公無別譜區區瓦注敢程能

周斐

良工度木早留皮埏埴翻資紉緝為

采擇皮以代覆瓦體輕而

工省著屋雪霜紛似畫移居風雨便如碁
簷樓未占三
間勝瓢室無踰十笏宜七月篇中歌入處補牋端
藉

御題知

恭和

御製薩爾詩元韻

甲戌

劉綸

神風想象翠微間燹代當時

肇造艱百匝圍開雲似掃千尋銘勤石堪顏尾蛇陣陷終

難應

杜松

首鼠城孤早絕攀

諸密納

應識木厨高玉體

雄圖先已奠天宸

恭和

御製恭謁

永陵元韻

中戊

劉綸

長白儲精幹脉同

神邱卜吉自遷豐山封顯號踰東鎮樹猷沴符效木公吉悖

明禋懷

日表寵鴻

景運翼天中迴占歲序俄周紀詹戀依依厓

聖衷

恭和

御製恭謁

福陵元韻

中成

劉綸

穹碑百尺冠巍亭

聖德神功護萬靈下國共球滄海會

先皇瑤躋白雲扃峯環八柱承天極鼎建三台戴斗星得

扈

鑾輿陪奠馭一時霜露感初零

恭和

御製恭謁

劉綸

昭陵元韻

文皇謨烈緬宣昭史頌重華協

聖朝

闕殿鸞鈴徐警晝

靈臺馬杖悚騰朝八方早應

龍旗建二木常傳

鳳闕標展謁已成聞祇薦甘瓜郵致詎云遙

遙次貢哈
密瓜至

遣觀蒲即日
馳騎祇薦

恭和

御製七月五日東巡啟蹕元韻

甲戌

汪由敦

仙館鳴鑾正早秋碧峰高處引前旂
鐐鍋遠奉周

官譯甌脫同歌夏諺休沙路按程圖可數雲山即
景句新留誠看跋馬羣情喜快值朝來宿雨收
停蹕俄經兩月餘

行旌初展尾舒舒亂流逆溯奔濤壯過嶺迴看曲
磴紆列部淳風安舊俗

陪京佳氣護

宸居紀行

奎藻從頭起繪就豳風慰跋予

恭和

御製駐驛吉林將軍署復得詩三首元韻

甲戌

汪由敦

萬家山郭霽烟輕
朝爽涼颼習習生
地以鍾靈開
勝景天因留

蹕快新晴迎

鑒近效懽呼意
與宅遐思

眷顧情

天作高山應望秩清齋先日致虔誠

澄江如練帶清流載毫當年第一州節帥戟轅開

畫裏水虞漁艇聚沙頭千門燈火通深夜

街市居人門外

懸燈率至竟夜

萬樹丹黃絢素秋衢迷自來皆藉板愛聽

屨響似登樓

神堯過沛駐新衙八十年來更可誇繁息閭閻樂休養

流遺風俗異浮屠銀鱗出網均分

賜寶硯鐫銘拜舊嘉

松花石硯材最佳
曾蒙恩賜

信士物華多異

產豐貂珠蚌草三極

恭和

御製望祭

長白山作元韻

甲戌

汪由敦

周邦時邁協昭亨

喬嶽升馨表至誠
紫氣東來常鬱鬱
白雲中起鎮英英
祥徵朱果符長發
秩配

黃祇祐永清
薦帛燔柴翹望處
地靈億載護

神京

恭和

御製行圍即事三首元韻

甲戌

汪由敦

陣圖何藉按孫韓
節制分明獮獵看
羽騎繩聯成合壁
虎鎗環列挺長竿
人披宿霧層峯現
馬踏深林落葉乾
為寄

詰戎深意在不辭
雨沐更風餐

待圍林麓暫徘徊
隔嶺聞呼四面來
旋見魚麗魚

鶴列漫論鷹鉤與盧鈎逐禽駿足追風遠命中雕
弧滿月開興至乘閒先得句七襄雲錦日

親裁

秋山紅紫間葱青虎跡麋遠鮮定形合噪有聲排
硯戶超騰無路驟烟庭載宣武節行時令近接
留都輦地靈一紀重來效

神祖三驅應律奠清寧

恭和

御製吉林土風雜詠十二首元韻

甲戌

汪由敦

威呼

落葉浮漚匠意經剗來獨木體原輕
憑教有力趨能負好放中流穩
獨行擎汰浪花翻雪色貫槎星
漠瀉風聲但容刀處看飛渡不待前溪新水生

呼蘭

浮烟曲笑供炊便立木前榮入望均
表宅便疑封此戶熱中知復恥
因人朝暉一縷烟氤起暮雨千

家點滴幾許起薪供爨下條枚錯認此分身

法喇

層冰積雪慣經過深巷交衢立侍多載弛負擔裝

磊磊行教叱馭儼俄俄當無自有車之用

借用老子語

忘折偏知履易蹉漫比耕犁賦袂馬屬惟紅板較
如何

斐蘭

蒿矢榆弓控以絲左支右絀習安之勝衣便勵蓬

桑志佩鞮偏工穀率為舊俗羣師射雕手少成爭
羨寧馨兒挽強命中他年事百步千鈞待展施

賽斐

昭儉非闕襲古為授餐棘匕夕端宜漫因借箸前
陳計從勸加餐笑解頤肥瘠乳豚膏滿案芹香雲
子滑流匙誰教踵事增糝漆羅列金銀又一時

額林

無多長物出東厨度板依櫺十襲俱大抵茗甌兼

樣篋那爭漢鼎更周觚落泥梁上妨巢燕映日窓
間轉相烏蛛網烟煤勁掃拂橫添四壁是新圖

施函

枵復何曾棄不材能宏端取量中恢厚儲擔石積
升斗滿貯鑿鹽讓醅醕穩置座隅憑取給移安爨
下幾巡迴田家老瓦盆堪並質素風宜奕世培

拉哈

斫麻綴壁擬宵綯百堵興時亦孔勞塗墜不求工

粉飾綢繆惟取得堅牢肯教剝落年時久更耐橫
斜雨雪遭若使續成巧者傳柳州命意未為高

霞綳

熒煌列炬徧脂塗春簌餘資秉燭需求縵有光分
里婦燎鬚無意青童奴增華絳蠟誇龍鳳繼晷寒
窓閱翫烏花綴玉蟲開四照濃烟甲煎未應殊

豁山

不數成都十樣箋蔡倫遺去頗稱便鋪來似雪光

能透障處無風質自堅制草白脉宣並相帖摹繭
紙摹群賢金花蠟印原非貴楮氏淵源有正傳

羅丹

博亦猶賢勝所稱鹿麀骨戲故鄉興成駢壺矢天
為笑呼轉臬盧技絕勝席上手翻溫似玉座間指
撥瑩于冰莫言優劣紛無定智巧其中各擅能

周斐

梓材樸斷尚連皮棟宇垣墉梓木為板屋詩惟傳

似玉竹樓記不數聽蒼茅茨儉德覃

王化陶復先型溯土宜舊社枌榆縈

睿思邠居經始

詔聞知

恭和

御製薩爾澣元韻甲戌

汪由敦

一征肇迹萬峰間破陣推強

大業艱戰壘只今餘灌莽

靈旗長白護
孱顏霜前錦
樹當先羸雲外

珠邱計日攀

金匱遺編揚

武烈

詔謀億禩奠區寰

恭和

御製恭謁

永陵元韻
甲戌

汪由敦

靈鍾

啟運福來同瓜瓞綿綿行緒豐木本水源徵

世德左昭右穆奉

先公一峰華蓋聞天表萬葉星榆宅正中此日升馨光

聖孝載瞻松栢愴

宸衷

恭和

御製恭謁

福陵元韻

甲戌

汪由敦

陪京東望勢岵亭

天柱巍哉輦地靈

獨闢乾坤寧海宇長懸日月護

雲扃

龍旂展祀三年里鳳紀周迴十二星
拾級載瞻松栢路
九秋灤露晚初零

恭和

御製恭謁

昭陵元韻 甲戌

汪由敦

武烈丕揚大統昭

丹陵深閼萬靈朝
熙天昌後開千葉

膺籙維新奠一朝
庭下松龍蟠廣蔭
仗前石馬識英標

翠旗羽葆

精裡展西接

留都路未遙

欽定盛京通志卷一百二十三

欽定四庫全書

欽定盛京通志卷一百二十四

國朝藝文十

詩五

七言律二

欽定四庫全書

欽定盛京通志卷一百二十四

國朝藝文

十

詩

五

七言律

二

恭和

御製吉林土風雜詠十二首

甲戌

錢陳羣

威呼

剗來一木自為經絕似蜻蜓著水輕魚鼓雙鬢真
欲逝蛇添兩足更能行溪間未覺伊鴉響烟際曾
無疑乃聲記得

春巡江路漿人飛渡碧波生

呼蘭

村村矮竈依檐外縷縷晨炊出孔均幾段柳枝邊
塞景萬家烟火太平人縱飛雨點飄難濕偶指鞭
絲數復頻要識馳驅門外客美他黔突是閒身

法喇

扒犁幾點雪中過
澤腹堅時利濟多
且喜輕馱同
薄笨任他綵鷁
自嵯峨
如龕小坐移真便
似榻能
牽穩不蹉
但設茶鐺煨榾柮
撚鬚覓句更如何

斐蘭

纂組由來始一絲
童孩嬉戲莫忘之
六材徧地能
攀取三竒
隨宜便改為此日
箕裘傳國俗
他年弧
矢屬家兒

聖朝利用威天下小醜真成何所施

賽斐

功能代著孰為之古制皆然今亦宜共飯何曾勞
澤手嘗羹即此可觀頤出筒乳滴凝雲七候火珠
沅翻雪匙或恐須他供

肝食少陵吟罷冷淘時

額林

兩版居然著數厨無多筐篋亦堪俱取材未解用

無用貯物寧論觚不觚
鼠走夜深聲未靜塵封歲
久色微烏衰齡擬學吉林俗
便置茶經與畫圖

施函

天質真成材不材
虛中藏器用何恢
料量家具漆
醞甕歟洽朋儕
指酒醅自是構
櫨無棄置不須鐵
竹更周迴瓦盆留到兒孫大
對此應知要善培

拉哈

茸茸草覆制如絢
安堵家家版築勞
擣蜃無須煩

赤友刈麻聊用取堅牢
搜施狸蠱誰能入向塞寒
風邨更遭幽館至今仍舊俗
垣垣比屋及肩高

霞綳

以糠為肉以膏塗拔取麻中照夜需
豈必松

蘇源明事

藜

劉向事

方代蠟真成茗酪互為奴
結雲粲粲光微

碧照字熒熒紙不烏東壁餘輝如可合
田家燈火本無殊

割山

韜似桑根漚作箋不須魚網用方便信州翠篠應
輸揖遜少蘭亭尚遜堅新樣疊番誇後勁佳名挂
漏笑前賢簾紋揭處題

天筆恢簡文房要共傳

羅丹

鹿腕磨光玉可稱畧箋小技所由興衆中投骨聊
為樂四色成梟快不勝擊擲相呼施瑩石取携逐
隊蹴堅冰兒童俗學軍中戲未許都盧有獨能

周斐

樺木生來用在皮瓦檐垣牖亦皆為肯同白子惟
供燭不似楸枰但列棋匠氏取輕隨所適弓人用
薄此猶宜

宸章足補冬官記土物洪纖盡得知

恭和

御製行圍即事元韻

甲戌

彭啓豐

鷹出遼東廬出韓秋原獮狩合圍看乍經谷口霜

凝樹前轉峯頭日上竿羣鹿踉蹌迎箭疾野麋僊
俟踏泥乾獻禽祇奉

慈寧膳衛士從公盡早餐

深林密箐屢盤迴關外蕃王扈從來五色雞冠搖
羽幟

六飛駿足捷鈴鐻黃榆不斷周陞合白雁初橫秀嶺
開虹采蜺旌誰撰賦光瞻

宸藻倚雲裁

卦巒紆譎淡鴉青列列哀哀現象形虎豹牙鬚驚
石弩軀腰角距脫山庭天垂罕畢成星象塞出葭
蓬効地靈用洽羣歡數軍實三驅按節志和寧

恭和

御製輝發故城元韻

甲戌

彭啟豐

跨跼岡原氣象雄

龍興大業肇關東背盟適築鯨鯢觀掃蕪

親探甲冑躬落日城垣留斷梗秋風金鐵想臨戎對揚

神武恢前烈草昧驅除佑

帝衷

恭和

御製恭謁

永陵元韻

甲戌

彭啟豐

生民裡祀配

天同奕葉貽休裕鎬豐追王禮儀隆一本靈山封號峻三

公紫雲松柏龍蔥外

丹馭衣冠想像中
跋履不辭程路遠
星霜十載僅

宸衷

恭和

御製恭謁

福陵元韻

甲戌

彭啟豐

柱峯截薛聳亭亭
拱衛雲從護百靈
誅蕩天門開

廣宇邈迤玉案鎖層局

真人一旅收區夏

王氣千秋曜日星
戡亂求寧昌
後福撫時重
奠露珠零

恭和

御製恭謁

昭陵元韻

甲戌

彭啟豐

丕承

高廟烈光昭
蕩掃妖氛邁往朝

睿畧臨闕磨片石

天戈出塞捷
崇朝羣山鳳
舞松環翠太
室龍蟠霞建標

破陣更看雙石馬西風立仗望非遙

恭和

御製祭北鎮醫巫閭山元韻

甲戌

彭啟豐

朔方峙鎮日星昭祀典明虔擇吉朝掩抱六重凌
海嶽混濛千載接虞姚芙蓉片片留巖洞華蓋垂
垂拱薊遼禪草不須芝檢秘鱗洲風雨自均調

恭和

御製薩爾濟元韻

甲戌

金德瑛

鴻溝分界近山間十萬憑陵一旅艱天授赤符先
定宛師臨白馬遂殲顏紅腥染地痕猶在鐵甲乘
高勢莫攀今日一鞭從下指清秋秀朶照人寰

恭和

御製恭謁

永陵元韻

甲戌

金德瑛

追崇祀禮古今同仁德相承啟豫豐玉葉一傳開
宇宙宗潢分派列王公萬山舞鳳屏前後千里來

龍脈正中

虔謁不辭勤跋涉十年霜露塵

宸衷

恭和

御製恭謁

福陵元韻

甲戌

金德瑛

巍巍

聖德載碑亭百世無祧

高廟靈永夜鬼神司禁籙千峯龍象壯門扃

天戈一指清遼海大義終伸炳日星正統到今餘澤遠
橋山瞻拜涕俱零

恭和

御製恭謁

昭陵元韻

甲戌

金德瑛

如日方升大烈昭指揮形勢壓前朝燕齊師到無
堅壘松杏倂歸只詰朝石馬風雲森仗衛

龍衣佛火護封標版章式廓符

高帝瞻望

陵園亦未遙

聖駕東巡

盛京恭謁

祖陵大禮慶成詩

甲戌

鄭虎文

東望

陪京瑞靄連肅將祀典

帝心虔舊除輦路三十里重展

橋山十二年長白雲開龍虎躍渾河鏡淨日星懸依然豐

鎬遺謀在親奉

慈宮下九天

鑾輿初動駐離宮款塞降王累譯通赤子肯遺聲教外

穹廬胥入版圖中望雲傾日

三朝久測水占風萬國同默數共球懷

祖德升聲應合告豐功

馳道風清薦早涼

六龍環衛

大安旁

寢門共仰三朝禮

帳殿親承

萬壽觴駐

蹕山川舒藻繡迎

鑾士女話耕桑遙瞻王氣

慈顏喜舊識榆枌幸瀋陽

永懷弓劍感秋霜茂典重修率舊章陟降

神靈通優渥肅雍禮樂脩鉶洋視奩獻服貽徽遠翼子貽
孫衍慶長鯉供河龍芝出桂憑將愛慤致嘉祥

犀衣煙聚胃星敷立表鳴鏡縱獵徒吉叶周畋駢
六枝仁均商網用三驅秋郊農隙嫻軍禮天策兵
威曜上都從邁番夷衆君長一時稽首效嵩呼

唐謠夏諺答尊親記取遼陽第二巡

陵邑他年還望幸

天家無事不宜民

九重雨露隨

鑾馭四海冠裳會

紫宸作賦未能慚
侍從含毫空想屬車塵

恭和

御製盛京土風雜詠十二首元韻

戊戌

王杰

威呼

政成利濟及扛梁項漿軒舟制度詳

物原項顯作漿軒韓作舟

數斛纔容同小艇幾人恰受比輕航取携到處誇

便捷往返安然迪吉康

陶宗儀詩往返迪吉康

窾木遺風猶

可逝

淮南子古人見窾木浮而知為舟

載歌汎汎逐波揚

呼蘭

突黔新故不須還簷際參差列柱然豐樂情形觀

爨火太平景象驗吹煙覆筐過雨飄難濕增竈連

雲豎更堅低拂鞭絲頻指數騰騰如縷復如緜

正字

通甕或曰竈猶圓也取圓完相連之字今竈爇烟自負瓦如竹筒不拆開者是也故俗名之曰甕

法喇

澤腹堅時步步隨杞牀坐穩任推移雪中覓句騎

驢似郊外看書挂角宜且喜裝囊無負戴底愁登

涉有欹危補將四載偕橈楫

史記夏本紀泥行乘橈注音跪前漢書溝

洫志禹治水山行則楫

聖主常深履薄思

斐蘭

豐岐接壤足丁男
弘天餘威技夙諳
七幹取材榆
柳在三分為羽堆
雞堪須知士使辭
惟託那及童
嬉性所耽轉恨挽
强充宿衛干城置
兔佐雄談

賽斐

曲七傳餐功代著
曾無刻飾素風存

儀禮有司徹
注疏七謂七

柄有刻
飾者

白抄雲子偏沅滑
紅挹桃花可勸餐
雅稱

一瓢資洞酌常充
四脯飽黎元秋成
省識舍哺樂
滿甕香生碌碡村

額林

日色經檐照挾振

文選甘泉賦日月經于挾振注挾於兩切

安排家具

雜然陳木罌

見前漢韓信傳

器悉雕為樸蓋篋

見唐元稹詩

衣

惟故易新枕几不傳循婦子

內則父毋舅姑之枕几不傳注謂移也

膳修有閣擬官人

內則大夫七十而有閭注以板為之度食物也

閭闔用

物徵藏富比戶如斯俗自淳

施函

移根漠野不知年虛受能容本自然跡謝雕剜呈

孔竅

歐陽修詩苟非神聖親手跡不然孔竅誰雕削

工辭聚倮協規旋

莊子

達生篇聚倮之中則為之註曲而可以聚物曰聚倮畜莒之類是也小槽夜滴憑開

釀豐雷晨喧穩注泉比似陳倉窪作白幾行獵碣

幾多篇

拉哈

縮版分來幾堵牆草莖麻蘸綴青黃雅言苦蓋仍

須釋

爾雅釋詁白蓋謂之苦玉篇謂之草覆屋

風詠茅絢豈不覆故里

垣墉真見

聖

後漢書李固傳見亮於牆竑
兆姓歡迎道左瞻覲牆間因得借用其語

翠華東幸新宮家

室夙

宜王登馮悲繫遷岐業儉俗留貽肯暫忘

霞綳

乾資蓬梗潤塗膏午夜青熒民事勞佐讀燃糠師

此儉

燃糠夜讀見南史顧歡傳

成堆燒蠟笑他豪

宋冠準事

藜光豈

羨閣中向蓮炬徒誇院裏綯

以金蓮炬送歸院凡唐書金狄綯傳

結

就非煙看郁郁卿雲歌調願重搃

豁山

任教名穀復名麻
苧絮誰知亦咀華
竹膜雲藍還

遜巧

梅堯臣詩斜封一幅竹膜紙段成式造雲藍紙

麥光冰翼敢稱嘉

方輿

勝覽歛績溪界地名龍翳出嘉紙有麥光冰翼諸目

三韓繡錯容留樣
五彩

毫揮莫鬥奢
試揭簾紋豎似革
流傳千載尚矜嗟

羅丹

堯年擊壤老翁戲
今日羅丹婦孺需
偃仰分明心

不競羸輸計較手
恒殊何須碁局彈
巾角

張華博物志曹

丕善彈棊能用手中角

那用骰盆判堆盧

宋林希逸竹溪集浮生寵辱渾閒事

勝負真如射榆魚注榆音竭散米之名

倘許千金輕一擲比他駿骨

畧同乎

周斐

堅且多皮宜作室雒常相似並希聞

晉書肅慎氏傳有樹名雒

常若中國有聖帝則其木生皮可衣

縱饒風雨能漂瓦借作虹霓與

帶芬

班固西都賦虹霓迴帶於芬楯

北牖除狸灰更灑

周官赤友氏以灰灑

毒之凡隙屋除其狸蟲

南榮攻蠹草添熏

剪氏掌除蠹物以莽草熏之

梓

材未必能差勝驗取今文及古文

恭和

御製盛京土產雜詠十二首元韻 戊戌 王杰

五穀

穀興

穀興而章明見國語

衍沃慶咸宜嘉種惟聞詠恒 音之

戶戶畝畝迓田祖村村擊豕賽農師繞明舍露堪

標目

繞明丘舍露麥見王嘉拾遺記

䟽穡長祠可預期

得時之稻疎穡得時

之禾長祠見

採冠

呂氏春秋

聖朝符瑞志

三巡

尚食久嘗其

東珠

閨門

太祖實錄長白山之上有潭曰閨門周八十里源深流廣鴨綠混同愛濤三江出

焉愛濤江東流入東海

上溯璿源遠

混同江與鴨綠愛濤三江源出長白山之閨門

見盛京賦注御製

南粵徒勞錄異聞

杜光庭錄異記大星之精墜於南海

為大珠其地為珠池珠匠

珠產摩尼多徑寸江通愛濤自三分

珍通海底擎珊出業比河邊採玉勤想像燭龍銜

耀日龍門禹鑿記云云

王嘉拾遺記禹鑿龍門至一空巖幽暗不可復行有

獸如豕銜夜明之珠其光如燭

人復

神臯有草亦名神段氏翁形本軼倫

見張讀宣室志

黃潤

有鬚方獨勝

本草遼東參黃潤有鬚俗名黃參獨勝

紫團無價亦常

珍

本草生潞州太行山上謂之紫團參

何曾芝朮堪為伍

唐書元澹傳參朮芝

桂以防疾疾

倘遇雷桐定辨真

雷桐是別見宋書謝靈運傳注謂雷公桐君

寄語名山採藥者得依

福壤即仙人

松花玉

分派多應自鴨江產來綠玉色無龐數文應

運常騰采

奮武當年此受降壓倒紅絲

硯譜以青州紅絲石為第一然乃下品特存古物見

宋蘇易簡硯譜

名第一

唐李石續博物志硯譜載天下硯四十餘品以青州紅絲硯為第一

刪除黃絡美稱雙

端硯譜石有黃臙胞絡鑿之方見硯材所謂子石歟硯亦然

拜

恩欲誚溫公陋淄硯徒傳海岱邦

宋熙寧中尚淄硯溫公修資治通鑑神宗

擇其尤者賜之當時有韞玉黑玉等名凡聞見後錄

貂

靡豪柔毳語寧詳

靡豪柔毳見謝莊謝賜貂裘表獻自

榮區倍覺良

周官司裘仲秋獻良裘

皮煥

後漢書鮮卑傳貂納

以為名裘

無如慶雲紫

劉勰新論紫貂為裘鬱若慶雲

品高尚類吉光

黃

十洲記天漢三年西國王獻吉光裘色黃蓋神馬之類

已啗烏納貪眠穩

皮日休詩烏納襄中一
覺眠自註出玉筠集

更笑鸛裘貫酒嘗故事挹

婁添小賦肯教江總擅詞章

後漢書挹婁國出好
貂今所謂邑婁貂是

也江總華貂賦
貴華貂于挹婁

鹿

伊尼載玉乘佳氣地異頤磨聚作窠

國經蜀郡頤
磨山有平地

百餘步諸山之鹿
一日聚號曰鹿市

鳴野正逢

秋罷獮

此次

東巡
特命暫停行圍

獻鮮仍掌氏稱羅漆原漫擬

億億賦文圓應輸濯濯多要向

停鑾昭瑞應

瑞應圖曰王者孝則白鹿見明惠及下則見承先聖法則白鹿來

况承

聖製定前記

上以南苑所育麋于冬至解角始辨月令麋角解為麋角解御製鹿角解

說訂二戴之遺經垂萬年之軌憲

熊羆

春山曾見赤熊羆

穆天子傳春山百獸所突出深聚爰有赤熊羆瑞獸也

叢並見之占獵兆惟欣得佐和丸留與善教兒捕

容藏內一人卧

人欲捕者一人卧其藏內餘伴執伏隱在崖側熊輒共昇出人不致

傷損傍人仍得騁其矛見異苑

逐困羣中五犬支

宋陳師道熊說以五犬逐

一熊熊長于用大犬長於用小受
制于犬者過非其敵困於羣也
欲試飲飛徒手

格

儀鎗隊裏逞雄奇

堪達漢

釋鹿從知有力麋詭他懸肉馬纓然佩雖韞也材

偏中角則脅之

兩雅角謂之脅
注治撲之名

工使鏑驅向烏嚙

瞻吐月

射經出弓梢
為懷中吐月

控將鷺羽

王褒突厥寺碑
鷺羽射鴈之箭

佐

凌烟通天不讓文犀理孕秀含章肯自捐

海東青

漁陽漠北與荆窠

漁陽白漠北白荆窠白並鷹名凡酉陽雜俎

刷羽東

溪又見他認取白花番部獲

遼史蕭英音努傳監障海東青鵲獲白花

者十進來青骹

遼史部族表興宗熏熙二十一年六月遣使詣五國等四部捕海東

青

鵲人羅

甘峻山青骹鵲見舊唐書懿宗紀

霜拳玉爪姿何俊絕

海摩天力較多化作珎珂章物采尋常爵雉得如

麼

本草集解海東青即青鵲入海化為玃作馬勒謂之珂

鰾鯉魚

鱸飛價重東華市生在龍江性恰馴名等秦王原

貢錯

金史地理志會寧府藏貢秦王魚大定十二年詔罷之

種分淵洞豈常

鱗

王嘉拾遺記瀛洲東有淵洞有魚長千丈鼻端有角噴水為五色雲翻騰鼓弩魚

圍網擺脫叉竿與釣緝未待春來供

薦鮓早將水畜問獻人

松子

見說松山千歲松龍牙五角採常逢

羣芳譜新羅使者携松子

來有龍牙子味如脫粟嘗來子

廣志千歲松子色黃白味似粟可食形

似浮屠望去重

俗名松節為松塔以其層數多而相隔尺許如檐蓋也見西河詩話

應候綴條多璀璨得天受氣獨淳濃堅香試問

稚川子知是招威未逸蹤

黃山俞獻卿見松樹有大實拋石擊落一枚甚

堅而香或云抱朴子所謂招威食之可仙見江鄰幾雜志

溫普

譯得嘉名

天錫與不教霜果擅東南曾非溫梲香堪

和蜀人切溫梲納衆香

燒之不滅龍涎見張世南游宦記

開便列崑崙味帶甘

山海經甘櫨列于崑崙

酸笑山楂僖父饋

柳宗元詩僖父饋酸楂

甜疑崖蜜苑禽舍

太平廣記崖蜜櫻桃也

輕紅萬顆春無際靈種多經

聖澤覃

聖駕四詣

盛京恭謁

祖陵禮成恭紀

癸卯

和 坤

仙莊諏吉

駕言東虞典時巡紀歲同

天作高山長近日地雄遼海邁歌風

橋陵弓劍尋源遠扮社山河慶

澤豐色喜南陽諸父老白頭扶杖屢呼嵩

歲自昭陽泊著雍

陪都三度

翠華逢祠官珪幣增逾恪芮鞠

思膏沛更濃丹雘鳩工懷嶽瀆金錢給帑輦垣墉殷殷

望

幸輿棕切鶴跂鳬趨幾輩從

闕城記堠隻還雙白阜逶迤瞰綠江五度星回驂
月駟九秋霜肅擁霓幢健行不息符

龍德長發其祥朔駿龐浹歲

綸音宣邇邇早覩佳氣滿紅椿

興桓亭館納涼宜智水仁山暑暑移

駐輦預籌

行輦日孟秋還展仲秋期祇防急漲星郵阻未覺安程

日馭遲量谷馬駝徐整蠻屬車九九荷

恩私

王言重巽布郊圻由舊成模永勿違儘有

周廬森拱衛不教

行殿峙崔巍松雲待譜朱絃奏絲粟寧煩白板扉
宵旰經營勤櫛沐萬年

家法凜幾微

敬闕屬國奉

鑾輿萬部橐鞬列啟肱久見賁琛通捺鉢競看帝鳥侍
又問享王率土恢無外

威德如天邕有餘九服盡抒葵藿向太平

王會輶車書

平泉

紆軫啟清塗風物川原入

睿謨居憶施函及周斐行憑法喇與威呼霞綳照夜同

然炬帕格占時勝佩符薩爾許山瞻

聖績當年捷伐緬

軒弧

泰元

富媪典原齊縮鬯燔柴

聖敬躋特繕

壇圻依福壤直從

璽冊迓

洪禋六宗賅洽隆文秩萬葉靈承故事稽鄭重

思文歌克配

在天肝蠶契真倪

啟運龍從秀嶂排星榆如蓋蔭

堯階

一人祿壽偕無量

四祖憑依鑒孔皆質傍

丹丘真得地珍伴朱果記投懷枝枝葉葉

真符拜永護

神皋驗氣佳

一峯

天柱切雲開

高廟神靈格享來億萬

丕基同奠席十三勅甲想登臺艱難

大業誠悠矣愾優

淵衷益懋哉形勝三關

遺烈在斐芬碑字泐蒼苔

大白權奇小白馴
搖鞭簫日捲紅塵當年佐

命隨靈鵲此日圓形侶瑞麟

續駕唐宗開

寶祚典超漢代展精裡千山秀色青如許一曲蒲梢竚

降神

蔥山蒲海現祥雲
琬琰新鐫趨趨文實必循名釐

重器宜而兼稱補前聞為尊

典寶歲

宗祏特

遣親支薦苾芬更賄

閤宮移景祐從知告孝

聖心殷

萬世人宗數仞垣

肇基鄭重闢橋門後先繩

武真同揆矩度從心自弗諼在昔金聲宣大號至今璧沼

淪靈源鼓鐘振處歌於樂豐鎬由來

善教存

四庫書成列大觀特從過澗溯波瀾彩涵淮渙騰
昭灼派別淄澠障渺漫

三院崇文端有自十年歲事未為難巍峩傑閣
臨開宴天祿何須語漢官

醫巫閭鎮屹雄關俯瞰層椒紫翠環祠殿鮮新增
烏奕闥門依舊送潺湲錦城滄海憑陵外碧髻青
螺縹渺間佑啟由來資巨岳落成望秩

額題顏

北溪方位渺雲烟特

飭鳩工煥彩塙勢控歸墟環

紫甸象符建斗拱珠躔遼渾紫帶靈文滙渤澥朝宗

脈遠延尺咫

恩光霄漢接連籒金碧並

申虔

展親錄舊

玉音昭六等崇封爵並邀帶礪從今垂億禩旂常自昔
冠羣僚姓兼同異交成泰食配烝嘗永勿祧

親駐華旃

親賜酹一時感激遍金貂

金湯新築亘峯坳十八城連遠近郊形俯川原兼
斥堠制殊復穴鞏桑芑地靈蔥鬱森千堞天險崢
嶸冠二峭更發水衡修疊道輪蹄南朔往來交

琯外

躬挽甲

躬韜

彘器摩浮詎憚勞綃帳求衣頻側席葛燈披讀幾焚膏降

原默對

神功懋觀物彌欽

儉德高百戰山河

餘慕切

親提三尺翦蓬蒿

鵷行肅穆聽鳴珂

崇政祥開紫殿裁

雲日瞻來欣地近

絲綸捧處拜

恩多十亭二木期無隱萬國千官頌有那喜起更看歌

世德林林曲脰遍

鑾坡

如雲秋稼溢篝車

玉軟經臨眷物華未有灑除勤里巷頻仍蠲減到桑麻
千箱儲後豐年屢四鬴量來

解澤加總為

開基崇力穡幽風圖畫挾

天葩

振振衲服效戎行楚楚青衿迂道旁景福一時歌
既飽

作人千古仰為章分

頌大府兼金重拜捧

天家束帛將

文治

武功臻極盛丕揚

謨烈纘

重光

衢歌雜遝和蕭笙聯襪扶鳩迂

翠旌喜祝三多綿後甲歡承十賚譜由庚盈箱白粲醲

膏澤出笥文黼燠日晴樂利養恬承

祖德無疆

壽宇慶芸生

金兒銀鋪列畫局舊宮遺制法

清寧鳳凰樓北仙雲紫山海關東

御氣青午夜一輪清禁月

中天雙闕上垣星周原考室規模大五日

心依

赫濯靈

卿霄晨露似珠凝

睿藻聯翩玉宇登雷雨

經綸昭有序星雲糾縵瑞同稱直同監夏

貽謀遠詎比橫汾韻事矜四度朝

陵成四帙覲

光萬禩

勅欽承

閱射前期選最優營門三耦對正侯風傳舊俗存
桓赴

訓示先型驗燎柔往歲

天弧威朔漠常年大獮試高秋充庖禽獸分甘逮侍從
均叨

宴賜稠

三極五葉矗如林氣韞精舍歲月深匝地霜華晨
哨鹿掀天雪浪夜登鱣壤羸五沃尤宜穀產甲中

邦合貢琳采得松花江上玉

帝鴻墨海好摹臨

江華寫佃渺天南祝

蝦承筐達匱函晉日康侯情款款需雲

愷宴澤醴醴久知島澁

恩光洽更捧

奎章瑞彩含曾是

神謨親底定三田渡口偃霜鐔

重城

羽仗迺森嚴朔月

旋鑣吉日占東望

寢園仍奠筭北瞻

湯殿乍迴幃雲霞煥處

楓宸迴穗秸輸餘部屋霑好值六花

天告稔正逢

乙夜省銅籤

頻年

禁近

賚崇銜兩度陪遊扈

鳳簪密勿多慚裏黼黻賚賜還許和


雲咸恭惟

仁孝馨香達敬識

神人上下誠

清廟歌成同拜手

萬年嘉頌仰披函



欽定盛京通志卷一百二十四